



Broj: 03/4-50-14-10-18,4/16  
Veza broj: 01-50-1-853-1/15  
Sarajevo, 3.11.2016.

**PREDSTAVNIČKOM DOMU  
DOMU NARODA  
PARLAMENTARNE SKUPŠTINE BOSNE I HERCEGOVINE**

Na osnovu čl. 55. i 62. Poslovnika Predstavničkog doma Parlamentarne skupštine BiH ("Službeni glasnik BiH", br. 79/14, 81/15 i 97/15) i čl. 45. i 52. Poslovnika Doma naroda Parlamentarne skupštine BiH („Službeni glasnik BiH“, br. 58/14, 88/15 i 96/15), Zajednička komisija za evropske integracije BiH dostavlja Kolegiju Predstavničkog doma PSBiH i Kolegiju Doma naroda PSBiH sljedeće

**MIŠLJENJE**

**o Informaciji o napretku u procesu ispunjavanja uslova Bosne i Hercegovine na evropskom putu**

Vijeće ministara BiH dostavilo je 21.9.2016. Parlamentarnoj skupštini BiH dokument pod nazivom Informacija o napretku u procesu ispunjavanja uslova Bosne i Hercegovine na evropskom putu, broj: 01-50-1-853-1/15, a koji se sastoji od sljedećih dokumenata:

- Informacije o napretku u procesu ispunjavanja uslova Bosne i Hercegovine na evropskom putu;
- Izvještaja o realizaciji mjera iz Akcionog plana za realizaciju prioriteta iz Izvještaja o Bosni i Hercegovini za 2015. godinu, DIO A. – Obaveze institucija Bosne i Hercegovine;
- Izvještaja o realizaciji mjera iz Akcionog plana za realizaciju prioriteta iz Izvještaja o Bosni i Hercegovini za 2015. godinu, DIO B. – Obaveze institucija entiteta, Brčko Distrikta Bosne i Hercegovine i kantona;
- Izvještaja o napretku u provođenju Akcionog plana za realizaciju Reformske agende na nivou Vijeća ministara Bosne i Hercegovine.

Kolegij Predstavničkog doma Parlamentarne skupštine BiH na 38. sjednici, održanoj 18. oktobra 2016. godine, kao nadležnu komisiju za razmatranje navedenog dokumenta odredio je Zajedničku komisiju za evropske integracije. Zajednička komisija za evropske integracije je na 18. sjednici, održanoj 3.11.2016., u svojstvu nadležne komisije, uz prisustvo direktora Direkcije za evropske integracije Edina Dilberovića, razmatrala navedeni dokument.

Nakon rasprave, Zajednička komisija jednoglasno je primila k znanju informaciju, te je upućuje domovima Parlamentarne skupštine Bosne i Hercegovine u daljnu proceduru uz sljedeće prijedloge zaključaka:

1. **Predstavnički dom i Dom naroda Parlamentarne skupštine BiH traže od Vijeća ministara BiH i Direkcije za evropske integracije da se prilikom izrade budućih informacija i izvještaja napravi prikaz neizvršenih aktivnosti, s akcentom na razloge neizvršavanja, a u vezi sa sljedećim dokumentima:**
  - a) Informacijom o napretku u procesu ispunjavanja uslova Bosne i Hercegovine na evropskom putu;
  - b) Izvještajem o realizaciji mjera iz Akcionog plana za realizaciju prioriteta iz Izvještaja o Bosni i Hercegovini;
  - c) Izvještajem o realizaciji Akcionog plana za realizaciju Reformske agende na nivou Vijeća ministara Bosne i Hercegovine.
2. **Predstavnički dom i Dom naroda Parlamentarne skupštine BiH traže od Vijeća ministara BiH da urgira prema nadležnim institucijama u BiH da se što hitnije realiziraju obaveze navedene u Izvještaju o realizaciji mjera iz Akcionog plana za realizaciju prioriteta iz Izvještaja o Bosni i Hercegovini za 2015. godinu, s obzirom na to da većina obaveza nije realizirana ili je u toku realizacije, a za mnoge aktivnosti je prošao rok.**
3. **Predstavnički dom i Dom naroda Parlamentarne skupštine BiH traže od Vijeća ministara BiH i Direkcije za evropske integracije da sljedeće izvještavanje o napretku u provođenju Akcionog plana za realizaciju Reformske agende na nivou Vijeća ministara Bosne i Hercegovine obavezno metodološki unaprijede omogućavanjem preglednijeg praćenja realizacije Reformske agende.**
4. **Predstavnički dom i Dom naroda Parlamentarne skupštine BiH traže od Vijeća ministara BiH da što hitnije, a najkasnije do kraja godine, dostavi informaciju o razlozima za neprovođenje pojedinih tačaka Akcionog plana za realizaciju Reformske agende na nivou Vijeća ministara Bosne i Hercegovine.**

